

АҚПАРАТТЫҚ ХАБАРЛАМА

2018 жылғы «6» қыркүйек

БЖЗҚ қауесеттерді жоққа шығарады

«БЖЗҚ» АҚ ұялы қосымшасының осалдығы туралы ақпарат шындыққа жанаспайды. БЖЗҚ ақпараттық жүйесіне жасалған тексеру салымшылар мен алушылардың дербес деректерінің бұзылмағандығын немесе сыртқа таралып кетпегендігін көрсетті.

Қор барлық салымшылар мен алушыларды қырағы болуға шақырады, сондай-ақ дербес деректерді үшінші бір тұлғаға бермеу керектігін және құпия сөздер (парольдер) мен басқа да дербес сәйкестендіргіштер туралы ақпаратты таратпау қажеттігін ескертеді.

Қор үшін ең маңызды және басымды міндет – салымшылар мен алушылардың дербес деректері мен жинақтары туралы мәліметтердің сақталуын және қорғанысын қамтамасыз ету. БЖЗҚ жүйесінің қорғанысы бірнеше деңгейден тұрады. Олар дербес деректердің қауіпсіздігін толығымен қамтамасыз етеді.

Еске саламыз, Қор 2017 жылдың соңында Ақпараттық қауіпсіздікті басқару жүйесі бойынша ресертификациялық аудиттен сәтті өтті. Бұл Қор салымшыларының жеке деректеріне қатысты ақпараттардың құпиялылығын, тұтастығын қамтамасыз ету бойынша көрсетілетін қызметтердің жоғары сапаға ие екендігін білдіреді.

Сонымен қатар Қор ҚР «Ақпараттандыру туралы» Заңына сәйкес Қазақстан Республикасының ақпараттық қауіпсіздік талаптарына сәйкестігін растайтын мемлекеттік аттестаттаудан да сәтті өтті.

БЖЗҚ 2013 жылғы 22 тамызда «ГНПФ» ЖЗҚ» АҚ негізінде құрылды. БЖЗҚ құрылтайшысы және акционері – Қазақстан Республикасы Қаржы министрлігінің «Мемлекеттік мүлік және жекешелендіру комитеті» ММ арқылы Қазақстан Республикасының Үкіметі. БЖЗҚ зейнетақы активтерін сенімгерлікпен басқаруды Қазақстан Республикасының Ұлттық Банкі жүзеге асырады. 2016 жылғы 1 қаңтардан бастап зейнетақы активтерін басқару тиімділігін арттыру бойынша ұсыныстар жасау қызметі Ұлттық қорды басқару кеңесіне берілді. Зейнетақы заңнамасына сәйкес БЖЗҚ міндетті зейнетақы жарналарын, міндетті кәсіптік зейнетақы жарналарын, ерікті зейнетақы жарналарын тартуды, зейнетақы төлемдерін, зейнетақы жинақтары мен төлемдерін жеке есепке алуды жүзеге асырады, салымшыға (алушыға) зейнетақы жинақтарының жай-күйі туралы ақпарат береді (толығырақ www.enpf.kz сайтында).

«БЖЗҚ» АҚ баспасөз орталығы
БАҚ үшін байланыстар: press@enpf.kz